



UNIVERSITÄTS-  
BIBLIOTHEK  
PADERBORN

## **De Congregationibus Clericorum In Communi Viventium**

**Le Mire, Aubert**

**Coloniæ Agrippinæ, 1632**

Cap. XXI. Regimen scholarum piarum, ad pauperes, gratis erudiendos institutarum, Congregationi Clericorum sæcularium B. Mariæ a Paulo V. anno 1614. committitur.

---

[urn:nbn:de:hbz:466:1-64608](https://nbn-resolving.org/urn:nbn:de:hbz:466:1-64608)



Volumus autē, quod præsentium transumptis, manu alicuius Notarij publici subscriptis, & sigillo alicuius personæ in dignitate Ecclesiastica constitutæ munitis, eadem prorsus fides adhibeatur, quæ præsentibus adhiberetur, si forent exhibitæ vel ostensæ.

Non obstantibus quibusuis constitutionibus, & ordinationibus Apostolicis, cæterisque contrarijs quibuscunque.

Datum Tusculi, sub annulo Piscatoris, die 13. Octobris, 1595. Pontificatus nostri anno quarto.

---

CAPVT XXI.

REGIMEN SCHOLARVM PIARVM, AD  
*pauperes gratis erudiendos institutarum,  
Congregationi Clericorum secularium B.  
Maria à Paulo V. anno 1614. committitur.*

**P**AVLVS Papa V. ad perpetuam rei memoriam. Inter pastoralis officij curas, quæ Romani Pontificis animum assidue sollicitum habere debent, illa non mediocris esse dignoscitur, ut Christi fideles pijs moribus & doctrina imbuantur.

Quapropter ut pium ac maxime laudabile opus, pauperes erudiendi & instituendi in alma Vrbe nostra pridem diuina gratia institutum, indies magis ad Dei gloriam promoueatur, pro nostri muneris de-



bito libenter procuramus. & cum operarij religioso zelo labores suos in agro Domini tam fructuosè impendere cupientes se offerunt, Apostolicæ auctoritatis favore prosequimur, ac præsidio communimus, & aliàs disponimus, prout conspiciamus salubriter in Domino expedire,

Sanè cum sicut accepimus, opus *piarum scholarum* à nobis in Vrbe nostra, ad pauperes erudiendos & instituendos erectarum, vberes fructus ferat, operæ pretium esse duximus providere, vt pium ac salubre institutum huiusmodi perpetuò duret. Quod facile, Deo adiuuante, futurum speramus, si dictarum scholarum cura alicui personarum Ecclesiasticarum Congregationi, in qua personæ idoneæ verisimiliter defuturæ non sunt, committatur,

Cum verò (sicut dilectorum filiorum Præpositi generalis, & Clericorum sæcularium Congregationis B. Mariæ, nec non Præpositi dictarum Scholarum nomine, nobis nuper expositum fuit) Præpositus generalis, & Clerici præfati, Christiana caritate ducti, sese onus huiusmodi suscepturos obtulerint, & habito de super tractatu. de cōsensu Venerabilis fratris nostri *Benedicti* Episcopi Prænestini, Cardinalis Iustiniani nūcupati, earundem scholarū Protectoris, cum eodē Præfecto ad infra-

scriptas



scripras cōditiones deuenierint; uidelicet, quòd scholarum præfatarū cura, regimen, & administratio, Præposito & Clericis d. Congregationis pro tempore existentibus perpetuò incumbat, ipse tamen Præfectus uita sua durante, in huiusmodi officio Præfecti dictarum scholarum, & alij qui in domo earundem scholarum ad præsens reperiuntur, etiam uita eorum durate, possint & debeant secundum suas proprias constitutiones ibi permanere. Illis autem uita functis, seu inibi permanere recusantibus, in eorum locum non alij, quàm qui iuxta regulas dictæ Congregationis à fel. rec. Clemente Papa VIII. prædecessore nostro confirmatas, seruare uoluerint admitti debeant.

Insuper ut tam dictis scholis pijs in Vrbe præfata erectis, quàm in alijs in eadem vrbe pro tempore erigendis, pauperes dumtaxat, cum fide Parochi de eorum paupertate, necnon filij nobilium, quorum familiæ ad inopiam redactæ fuerunt, cum fide eorum Confessariorum, uel alterius personæ fide dignæ, admittantur, in ijsque gratis, & absq; ullo præmio, propter caritatem & Dei amorem erudiri debeant.

Quare nos dictæ Congregationis Clericos, utiles fore operis huiusmodi ministros firmiter in Domino sperantes, ac Præ-



positi & Clericorum præfatorum promptam ad præmissa voluntatem plurimum in Domino commendantes, & eorum singulares personas à quibusuis excommunicationis, suspensionis, interdicti, alijsque Ecclesiasticis sententijs, censuris, & pœnis, à iure vel ab homine, quauis occasione vel causa latis, si quibus quomodolibet innodatae existunt, ad effectum præsentium dumtaxat cōsequendum, harū serie absoluētes, & absolutos fore censentes, nec non dictā Congregationem, illiusque Præpositum & Clericos specialibus fauoribus, & gratijs prosequi volentes, Apostolica auctoritate, tenore præsentium, Præposito, Clericus, & Congregationem prædictę, quæ de cetero perpetuis futuris temporibus MATRIS DEI nuncupari, ac illa eius Præpositis & Clericis, nunc & pro tempore existentes, sub regulis & constitutionibus eiusdem Congregationis à dicto Clemente prædecessore confirmatis, quibus nec non eiusdem Congregationis priuilegijs præiudicare non intendimus, exceptis ijs quæ præsentibus contrariæ sunt, militare debeant curam, regimē, & administrationem dictarum in Vrbe erectarum, & aliarū piarū scholarū pro tempore erigendarum, cum supra dictis conuentionibus dictis Præposito, Clericis, & Congregationi, auctoritate &



te & tenori præsentis perpetuò committimus, & demandamus. Ita quod liceat Præposito & Clericis præfatis præfatarum scholarum huiusmodi & aliarum simul atque erectæ fuerint, illarumque bonorum & reddituum quorumcunque, corporalem, realem & actiualem professionem capere, & apprehendere, ac de illis in scholarum earundem beneficium disponere.

Decernentes præsentis litteras, & in eis contenta quæcunque, semper & perpetuò valida, firma & efficacia fore & esse, dictisque Præposito & Clericis, in omnibus & per omnia plenissimè suffragari.

Sicq; per quoscunq; Iudices ordinarios & delegatos, etiam causarum Palatii Apostolici Auditores, ac S. R. E. Cardinales, iudicari & definiri debere, ac irritum & inane, si secus super his & quocunque quauis auctoritate, scienter vel ignoranter cõtingerit attentari.

Non obstantibus quibusuis constitutionibus & ordinationibus Apostolicis, nec non dictæ Congregationis, etiã iuramento, cõfirmatione Apostolica, vel quauis firmitate alia roboratis, statutis, ac cõsuetudinibus; illis præsertim, quib; cauetur expressè, quod Clerici dictæ Congregationis nouas domos, cum obligationibus docendi adulescentiã rudimèta Gramatices, aut litteras  
hu-



humaniores, & cum alijs quibusuis obligationibus, quibus Clerici huiusmodi extra Ecclesiam inferuire teneantur, recipere non possint, priuilegijs quoque, indultis & litteris Apostolicis in contrarium præmissorum, sub quibuscunque tenoribus & formis, ac cum quibusuis clausulis & decretis, concessis, confirmatis & innouatis. Quibus omnibus & singulis, eorum omnium tenores præsentibus, pro plenè & sufficienter expressis, & ad verbum insertis habentes, hac vice dumtaxat, specialiter & expressè derogamus. cæterisque contrarijs quibuscunque.

1614. Datum Romæ apud S. Mariam Maiorem, sub annulo piscatoris, die 14. Ianuarij 1614. Pontificatus nostri anno nono.

## CAPVT XXII.

CONGREGATIO ORATORII IESU Christi, ( quæ est piorum Sacerdotum in communi viuentium ) in regno Franciæ à Petro Berulio, nunc S. R. E. Cardinale, instituta, per Paulum V. an. 1613. confirmatur.

PAVLVS Episcopus, seruus seruorum Dei, ad perpetuam rei memoriam. Sacrosanctæ Romanæ Ecclesiæ, quam Dei vnigenitus Iesus Christus D. N. auctor ipse piorum operû fundauit, regimini, superna dispositi-